



Inatsisartunut ilaasortaq,
Mette Arqe Hammeken
Naleraq
Maani/

§ 37 naapertorlugu aalisarneq pillugu apeqqummut nr. 2022-71-imut akissut

Ulloq: 25-03-2022
Suliap normua: 2022 - 6992
All. nr. 19595622

Inatsisartut suleriaasianni § 37, imm. 1 naapertorlugu Tunumi aalisarneq pillugu Naalakkersuisunut apeqquteqarsimavutit. Apeqqut suliassaqaqfigisannit akineqartussanngorlugu innersuunneqarpoq.

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apri@nanoq.gl
www.naalakkersuisut.gl

1. Ittoqqortoormiit eqqaani aalisakkat inuussutissarsiutaasinnaasut sumiinersut suunersullu piaarnerpaamik pitsaasumillu misissornissaat periarfissaava?

1-mut tunngasoq) Pinngortitaleriffiup, Nunatsinni aalisagaqassutsinik misissuisartup, 2022-mi angallatiminnut misissuummut pilersaaruteqareerluni ilisimatippaanga, taamaammallu ukioq manna allanik misissueqqinnissamut piffissaqaratillu aningaasassaqa-ratillu sulisussaqaqngillat.

Ilisimatitsissutigineqassaaq 2014-imili Tunumi misileraalluni aalisartoqartarpoq tamaani aalisarnissamut periarfissat paasisaqaqfigiumallugit. Angallatit peqataasut ilaatigut Ittoqqortoormiit eqqaanni aalisarsimapput. Ukioq manna aamma misileraalluni aalisar-toqaqqissaaq.

a. Misissuisoqassappat aalisartoq kitaaniit misilittagalik pikkorrisoq aamma piffimmi piniartoq kiisalu sunngiffimmi aalisartartoq peqataatinneqarsinnaappat?

1 a-mut tunngasoq) Erseqqissarneqassaaq misissuisoqassappat Pinngortitaleriffiup tamatumunnga sinaakutissat aalajangissammagit misissuinermit paasisutissat pisariaqartinneqartumik pitsaassuseqarniassammata.

Misileraalluni aalisarusuttoqarpat Aalisarnermut Piniarnermullu Naalakkersuisoqar-fimmut qinnuteqartoqarsinnaavoq aamma kinaluunniit misileraalluni aalisarnermut peqataasinnaavoq. Qinnuteqarniartut Aalisartunik piniartunillu siunnersuisarfimmit Aapisi-mit ikiorneqarsinnaapput.

b. Aalisakkanik misissuisoqassappat misissuinermit atortut kiisalu aalisarnermut atortut tamaasa amigaatiginnginnissaat qulakkeersinnaavisiuk?

1 b-mut tunngasoq) Misissuisoqassappat Pinngortitaleriffiup tamanna sinaakkuser-sussavaa. Misileraalluni aalisartoqarusuppat aalisarnermut atortunut tapiiffigineqarnis-samut qinnuteqartoqarsinnaavoq Aalisarnerup ineriartortinnissaanut aningaasaliissutit aqqutigalugit (aningaasanut inatsimmi konto 50.06.50) imaluunniit 50.01.20 atorlugu. Ass. Naalackersuisut 2021-mi aalisartunut piniartunullu Ittoqqortoormiineersunut pingasunut 37.113 kr.-inik misileraalluni aalisarnissaannut ningittakkanut pisinissamut tapiissuteqarfigaat.

Tassani Aalisartunik piniartunillu siunnersuisarfik Aapisi ikiuussinnaavoq.

c. Angallatit aasami kilisaat aamma umiatsiaq imaluunniit taamaaqataat, ukiumi snescooteri atortullu tamaasa isumagisinnaassavisigit?

1 c-mut tunngasoq) Nalaackersuisut misileraanermut atorneqartussanik angallatinik atortunilluunniit allanik ikiuussinnaangillat. Misileraallunili aalisartoqassappat Aalisarnerup ineriartortinnissaanut aningaasaliissutinit (aningaasanut inatsimmi konto 50.06.50) imaluunniit 50.01.20-mit tapiissutinik qinnuteqartoqarsinnaavoq. Tassanili kaammattuutigineqarpoq suleqatigiittoqarnissaanik, ass. angallammik ikiuussin-naasumik.


2. 2006-imi qaleralinnik aalisarluni misissuinermi qalerallit qanoq annertutigisut pisarineqarpat aammalu angissusaat qanoq ippat?

2-mut tunngasoq) Paasissutissat pigineqartut takutippaat 2006-imi aningaasarsiutaa-sinnaasunik misileraalluni aalisartoqarmat qaleralinnik aalisakkanilluunniit allanik pisaqartoqanngitsoq. Pinngortitaleriffiulli ilisimatitsissutigaa 2006-imi Ittoqqortoormiut eqqaanni katillugit quleriarluni nakkutilliilluni kilisattoqarnerani qalerallit 152-it pisarineqarsimasut. Qalerallit kangerlunniittut avataaniittunit qaleralinnit mikinerusi-mapput, 40-50 cm akornanni angissuseqarlutik.

3. Misissuisoqassappat misissuinerullu takutippagu arlaannik aalisagaqarluartoq aalisarnermik inuussutissarsiutigineqarsinnaalluartunik, taava alloriarneq tullegg sunaassava?

3-mut tunngasoq) Nunatta Kangiani ullumikkut sinerissap qanittuani killilersugaan-ngitsumik aalisartoqarsinnaavoq. Aalisarneq annerusumik aningaasarsiutigalugu inger-lanneqalissappat aalisarnerup pisassiissuteqarfiusumik ingerlannissaanut ingerlariaq-qittoqassaaq.

Inussiarnersumik inuulluaqqusillunga



Aqqaluq B. Egede

Aalisarnermut Piniarnermullu Naalakkersuisoq